

ААН ДОЙДУ АЙЫЛЛЫЫТА – САБАЛАНЫЫТА

Xанан да кылам гынар уота суох им-балай түүн хайдахтаах харангатын эниги билэбит. Хаһан эрэ өрүү оннук этэ. Оччоҕо ото-маһа, көтөрө-сүүрэрэ, бэл билигин биһиги өйдүүрбүтүнэн сирэ да, халлаана да суох иччитэх им-балай бүрүүкээбит кизэн куйаар эрэ кинкиниирэ. Арай Айыы Тойон Танара мэлдьи оннук буолуон баҕарбатаҕа, ол иһин Кини бу аан ийэ дойдуну айбыта. Бу сир ийэ, кизэн халлаан кизиллэригэр төһөлөөх үтүө-кэрэ дьүөрэлэхэн мунһууллубутун сөбөн-махтайан мунурун булбаппыт, барыта Айааччы сүдү өйүн уонна улуутун кэрэһилиир.

Ытык Кинигэбэ, Библияҕа, Танара аан дойдуну айбытын туһунан манньк этиллибит:

Аан бастаан Танара сирин уонна халлааны айбыт.

Сир көстүүтэ суох, иччитэх этэ, түгэбэ биллибэт үөдөн үрдэ харана этэ; арай Танара Тыына уу далайын үрдүнэн көтө сылдьара.

Ол кэnnэ Танара эппит: сырдык тыктын. Онуоха сырдык тыган кэлбит.

Ол кэnnэ Танара сырдык үчүгэйин көрбүт; уонна сырдыгы харанаттан араарбыт.

Ол кэnnэ Танара сырдыгы – күнүс, харананы – түүн диэн ааттаабыт. Киэһэ ааһан, сарсыарда буолбут: биир күн бүшпүт.

Ол кэnnэ Танара эппит: уу ортотугар кытаанах тахсан ууттан ууну араардын.

Ол кэnnэ Танара кытаанабы айбыт, кытаанах аннынаабы ууну кытаанах үрдүнээби ууттан араарбыт. Эппитин курдук буолбут.

Ол кэnnэ Танара кытаанабы халлаан диэбит. Киэһэ ааһан, сарсыарда буолбут: иккис күн бүшпүт.

Ол кэnnэ Танара эппит: халлаан аннынаабы уу биир сиргэ мунһустан, кураанах хонуу табыстын. Эппитин курдук буолбут.

Ол кэnnэ Танара кураанабы сир диэн, оттон уу мунһустубутун муоралар диэн ааттаабыт. Уонна Танара ону көрөн астыммыт.

Ол кэnnэ Танара эппит: сир күөх үүнээйилэри, сиэмэлэнэр оту, отоно буорга түһэн сиэмэ буолар мас эгэлгэтин үөскэттин. Эппитин курдук буолбут.

Ол кэnnэ сир күөх үүнээйилэри, сиэмэлэнэн ууһуур оту, отоно буорга түһэн сиэмэ буолар мас эгэлгэтин үөскэппит. Ол кэnnэ Танара ону көрөн астыммыт.

Киэһэ ааһан, сарсыарда буолбут: үһүс күн бүшпүт.

МОИСЕЙ 1-КЫ КИНИГЭТЭ. АЙЫЛЛЫЫ 1:1-13

ААН ДОЙДУ САЛГЫЫ АЙЫЛЛЫЫТА



Ол кэннэ Таңара эппит: халлаан ньууругар түүнү күнтэн араарар, бэлиэлэри биэрэр, кэми, хонугу, сылы быһаарар сырдатааччылар табыстыннар.

Ол кэннэ кинилэр сири сырдатар туһуттан халлаан ньууруттан тыктыннар. Эппитин курдук буолбут.

Ол кэннэ Таңара икки сүдү сырдатааччыны айбыт: улаханын күнүһү салайарга, кыратын түүнү дьаһайарга, ол кэннэ сулустары.

Ол кэннэ Таңара кинилэри халлаан ньууругар уурбут, сири сырдаттыннар диэн.

Ол кэннэ күнүскүнү, түүнүнү салайдыннар, сырдыгы харагаттан араардыннар диэн. Ол кэннэ Таңара ону көрөн астыммыт.

Киэһэ ааһаан, сарсыарда буолбут: төрдүс күн бүппүт.

Ол кэннэ Таңара эппит: уу балык арааһын, үөнү-көйүүрү, тыһынар тыыннаабы үөскэттин; көтөр кынаттаах сир үрдүнэн халлаанна көттүн.

Ол кэннэ Таңара улахан балыктары, моҕойдору, уу үөскэппит тыһынар тыыннаабын тус-туспа уустаан айбыт, итиэннэ көтөр кынаттаах бийһин арааһын. Ол кэннэ Таңара ону көрөн астыммыт.

Ол кэннэ Таңара кинилэри албаан эппит: муоралар далайдарын иччилээнгит, ууһаан, үксээн, көтөрдөр сир үрдүгэр элбээн истиннэр.

Киэһэ ааһан, сарсыарда буолбут: бэһис күн бүппүт.

Ол кэннэ Таңара эппит: сир тыһынар тыыннаабы эгэлгэлээн, сүөһү арааһын, үөнү-көйүүрү, кыылы-сүөлү, тус-туспа биистээн үөскэттин. Эппитин курдук буолбут.

Ол кэннэ Таңара кыыл-сүөл эгинин, сүөһү арааһын, үөн-көйүүр эгэлгэттин айбыт. Ол кэннэ Таңара ону көрөн астыммыт.

Айыы Тойон Таңара Тылын күүһүнэн айыллыбыт сир барахсан күн уотугар сырдаан, тупсан-туолан, ураты кэрэнэн симэнэн турбута. Ол эрэри ити өссө ситэтэ суоҕа. Таңара өссө дьону айан сиргэ олохтуур санаалааба. Дьон бу үтүөкэн дойдуну иччилээн, кини кэрэтинэн дуоһуйа дьоллонон, Айыы Тойон Таңараларын албан аатыгар үнэ-сүктэ олоруохтаахтара.

АЙЫЛЛЫЫ 1:14-25

БАСТАКЫ ДЬОННОР АЙЫЛЛЫЛАРА



Ол кэннэ Тангара эппит: киһини Биһиэхэ маарынныыр сэбэрэлээх, бары өртүнэн Биһиэхэ атылыы гына айыахпыт*. Дьон муораларга баар бары балыктары, халлаан көтөрдөрүн, сүөһүнү-аһы, сир үрдүн бүтүннүүтүн, сиргэ баар үөнү-көйүүрү, мобойдору барыларын баһыйар буолуохтаахтар.

Ол кэннэ Тангара Бэйэтигэр атылыы, Тангаралыы сэбэрэлээх киһи аймағы айбыт. Эр киһи уонна дьахтар гынан айбыт.

Ол кэннэ Тангара кинилэри албаан баран эппит: төрөөн-ууһаан, тэнийинг уонна бу сири иччилээн, бас билин, муора балыктарын, халлаан көтөрдөрүн, араас кыылы-сүөлү, сыыллар харамайдары барыларын баһылаан. Ол кэннэ Тангара эппит: Мин биэрбит сиргэ үүнэр араас сиэмэлээх отум, сиэмэ буолар отонноох маһым эгэлгэтэ барыгытыгар аһылык буоллун; оттон сир үрдүнээби кыылга-сүөлгэ, халлаан көтөрдөрүгэр, хайа баҕарар тынаар тыыннаахха аһылык гынынг диэн күөх оту биэрэбин. Эппитин курдук буолбут.

Ол кэннэ Тангара айбыт айымньыта олус үчүгэин көрөн астыммыт. Киэһэ аһан, сарсыарда буолбут: алтыс күн бүшпүт.

Сити курдук халлаан, сир уонна кинилэр иччилэрэ баар буолбуттар. Сэттис күн үүнүүтэ Тангара Бэйэтин дьыалаларын түмүктээн, сэттис күнүгэр Бэйэтин түбүгүттэн сынньанаары утуян хаалбыт.

Эр киһи аата Адам, дьахтар – Ева диэн эбиттэр. Кинилэр Айыы Тойон курдук үтүөкэн сэбэрэлээхтэрэ уонна толору дьоллоохторо. Кинилэр Айбыттарын олус ытыктаан таптыылара, Тангара да кинилэри таптыыра.

Тангара туох баар айбыт харамайдарын кинилэргэ көрүн-истинг диэн биэрбит. Уонна Адамнаах Еваны албаан баран, Эдем Сада диэн ааттаах ырайга олохтообут. Айыы Тойон бу сады кинилэр харайдыннар, чэчирэттиннэр диэн биэрбит.

Адамнаах Ева өйдөрүгэр-санааларыгар, куттарыгар сүрдэригэр Айбыттарын сэбэрэтин өрүү илдэ сылдьар буоланнар, аһара дьоллоох этилэр.

АЙЫЛЛЫЫ 1:26-31; 2:7-22

* *Тангара тобо: «Биһиэхэ», «айыахпыт» диэбитэй? Ол манньык. Тангара ис дьингэ үс арахсыспат өйдөөлүлээх: Аба Тангара, Уол Тангара уонна Айыы Тыын Тангара. Дьэ ол иһин Тангара киһини айарыгар: «Айыахпыт», – диэбитэ диэн Моусей кинигэтигэр суруллар.*

ОБО БИБЛИЯТА

Children's Bible in the Yakut language

© Institute for Bible Translation, Stockholm, 1994